

Տան տերը չէր երեւում. չէր երեւում եւ ոչ ոք տանեցիներից, միայն մի քանի սագեր, որ դեռ նոր էին վերադարձել ծովեզրից, որոնում էին մի հովա-նաւոր տեղ՝ արեւի կիզող ճառագայթներից պատսպարոելու համար: Նրան-ցից մէկը դիմեց դէպի ուռիների տարածած ստոերը եւ կչկչալով, համեցեք անելով, իր ընկերներին ու ընկերուհիներին հրաւիրեց այնտեղ: Ամբողջ երա-մը հանգստացաւ սառն ստոերի ներքոյ, ուր արեւի կրակից եւ ոչ մի նշոյլ չէր թափանցում: Մենք դեռ բակում ման էինք գալիս, սպասում էինք տան տիրո-ջը:

Վերջապէս յայտնուեցաւ նա: Դա մի հաստաբազուկ, թիկնաւետ, բարձ-րահասակ տղամարդ էր, արեւակեզ դէմքով, որի սուր, թափանցող հայեաց-քը կարծես նետի նման մեխւում էր մարդու սրտի մէջ: Գլխին դրած ունէր կապոյտ եւ կարմիր թելերով նախշած արախչին, հագել էր միայն հաստ, սպիտակ կտաւից շապիկ, որի նոյնպէս կապոյտ եւ կարմիր թելերով ասեղ-նագործած օձիքից երեւում էր թաւամագ, հզօր կուրծքը: Օրոայ ջերմութիւ-նը ստիպել էր նրան փոքր-ինչ զովութիւն տալ իր թոքերին: Մեջքը պնդած էր մետաքսեայ գօտիով, որից քարշ էր ընկած մի մեծ դանակ: Կապտագոյն շա-լտարը, վերելից բաւական լայն, իսկ հետզհետէ սաստիկ նեղանալով, իջնում էր մինչեւ նրա ծնկները: Սրունքները մնացել էին բոլորովին մերկ. մերկ էին եւ ոտները: Դուրսի բազուկները ծալած էին մինչեւ արմունկները, երեւում էր, որ ծովեզրից էր գալիս եւ այնտեղ ջրերի հետ գործ էր ունեցել: Եւ իրաւ, այդ ամենատաղանդաւոր արձանագործի քերիչին արժանի տղամարդը պա-րապմունքով նաւավար էր, եւ նաւահանգստում կապած էր նրա սիրուն նա-ւակը:

Վարպետ Փանոսի հետ նա նախածանօթ էր երեւում. մօտեցաւ նրան եւ ինչ-որ խօսեց, բայց իմ եւ Ասլանի վրայ առանձին ուշադրութիւն չդարձ-րեց: Եւրոպացին նրան չէր զարմացնում, կարելի էր կարծել, որ նա եւրոպա-ցիք շատ էր տեսել:

Վարպետի հետ իր խօսքը վերջացնելուց յետոյ նա անփոյթ կերպով մօտեցաւ մեզ եւ, առանց բարեւելու, ասաց.

– Այստեղ ինչո՞ւ եք կանգնած:

Նրա անբաղաբավարութիւնը, որ կոպտութեան էր համնում, սաստիկ վիրաւորեց ինձ: Ասլանը ոչինչ չպատասխանեց: Պատասխանեց վարպետ Փանոսը իր սովորական ծիծաղով:

– Օրհնա՛ծ, ո՞րք գնանք, ամբողջ ժամ սպասում էինք այստեղ, ոչ տան տեր էր երեւում եւ ոչ տան տիրուհի, որ մեզ մի տեղ ցոյց տար: